

ԿԱՐԳ

ՀՀ պետական բյուջեի հաշվին իրականացվող գիտական և գիտատեխնիկական գործունեության ծրագրերում ընդգրկված գիտական աստիճան ունեցող գիտաշխատողներին վճարվող հավելավճարները կազմակերպություններին տրամադրելու

1. Սույնով սահմանվում է ՀՀ պետական բյուջեի հաշվին իրականացվող գիտական և գիտատեխնիկական գործունեության հիմնարար և կարևորագույն նշանակություն ունեցող կիրառական հետազոտությունների իրականացման, ենթակառուցվածքի պահպանման ու զարգացման, ազգային արժեք ներկայացնող գիտական օբյեկտների պահպանման, նպատակային-ծրագրային ծրագրերում և պայմանագրային (թեմատիկ) թեմաներում (այսուհետ՝ Ծրագրեր) ընդգրկված գիտական աստիճան ունեցող գիտաշխատողներին աշխատավարձի հետ վճարվող հավելավճարները ՀՀ կրթության և գիտության նախարարության գիտության պետական կոմիտեի (այսուհետ՝ Կոմիտե) միջոցով գիտական և գիտատեխնիկական գործունեություն իրականացնող կազմակերպություններին (այսուհետ՝ Կազմակերպություններ) տրամադրելու կարգը:
2. Կազմակերպությունները մինչև յուրաքանչյուր բյուջետային տարվա հունվարի 25-ը, ինչպես նաև յուրաքանչյուր եռամսյակի ավարտից հետո մինչև հաջորդ ամսվա 15-ը Կոմիտե են ներկայացնում այդ օրվա դրությամբ Կազմակերպությունում իրականացվող Ծրագրերում ընդգրկված գիտական աստիճան ունեցող գիտաշխատողներին վճարվող հավելավճարների տրամադրման հայտ (այսուհետ՝ Հայտ)՝ համաձայն Հավելված 2-ի:
3. Տարեսկզբին ներկայացվող հայտի հետ միասին Կազմակերպությունների կողմից ներկայացվում է նաև գիտաշխատողներին գիտական աստիճանների համար տրվող հավելավճարների տրամադրման հանձնարարության պայմանագիր (այսուհետ՝ Պայմանագիր)՝ համաձայն Հավելված 3-ի, որը Կոմիտեի և Կազմակերպության միջև կնքվում է 10-օրյա ժամկետում:
4. Հայտերով ներկայացված հավելավճար ստացող գիտաշխատողների ցուցակում փոփոխություններ կատարելու անհրաժեշտության դեպքում Կազմակերպությունը 3-օրյա ժամկետում դիմում է Կոմիտե, կից ներկայացնելով փոփոխություն կատարելու անհրաժեշտությունը հիմնավորող փաստաթղթերի պատճենները (ընդունման, ազատման, երկարատև արձակուրդ կամ գործուղում ուղարկելու հրամաններ, նոր շնորհված գիտական աստիճանների վկայագրեր և այլն): Կատարված փոփոխությունները կհաշվարկվեն ներկայացման ամսվան հաջորդող ամսվանից:

5. Յուրաքանչյուր եռամսյակի ավարտից հետո ներկայացվող Հայտում այնպիսի փոփոխությունների դեպքում, երբ փոփոխման ենթակա է նաև Պայմանագրի գինը կամ այլ պայմաններ՝ ներկայացվում է նաև համաձայնագիր պայմանագրի գնի կամ այդ պայմանների փոփոխության մասին՝ համաձայն Հավելված 4-ի:

6. Գիտական աստիճանի համար հավելավճար է տրվում հղիության և ծննդաբերության արձակուրդում գտնվող գիտական աստիճան ունեցող գիտաշխատողներին: Մինչև 3 տարեկան երեխայի խնամքի համար արձակուրդում գտնվող գիտաշխատողներին գիտական աստիճանի համար հավելավճար չի տրամադրվում:

7. Կազմակերպությունների կողմից տարեսկզբին Հայտով ներկայացված տվյալների, կատարված առանձին փոփոխությունների, ինչպես նաև եռամսյակային պարբերությամբ Հայտերով ներկայացվող ցուցակների հիման վրա Կոմիտեի աշխատակազմի գիտական քաղաքականության վարչության գիտական տեղեկատվության և վերլուծության բաժնի կողմից իրականացվում է ՀՀ պետական բյուջեի հաշվին իրականացվող ընթացիկ ծրագրերում ընդգրկված գիտական աստիճան ունեցող գիտաշխատողների շտեմարանի ստեղծում և վարում՝ ներկայացված տվյալների համեմատության, համապատասխան փոփոխությունների ներառման և ամփոփման նպատակով:

8. Կոմիտեի աշխատակազմի գիտական քաղաքականության վարչության գիտական տեղեկատվության և վերլուծության բաժինը շտեմարանում համապատասխան փոփոխությունները կատարում է տեղեկատվությունը ստանալու օրվանից 3-օրյա ժամկետում և տվյալ ամսվա ընթացքում կատարված այնպիսի փոփոխությունների առկայության դեպքում, երբ փոփոխվում է Կազմակերպությանը տրամադրվող հավելավճարների չափը՝ Կոմիտեի աշխատակազմի ղեկավարին ուղղված զեկուցագրով ներկայացնում է տեղեկանք հավելավճար ստացող գիտաշխատողների ճշգրտված թվաքանակի, ինչպես նաև ըստ Կազմակերպությունների հաջորդ ամսում վճարվելիք հավելավճարների վերաբերյալ՝ համաձայն Հավելված 5-ի, որը տրամադրվում է Կոմիտեի աշխատակազմի ֆինանսատնտեսագիտական և հաշվապահական հաշվառման բաժնին՝ գիտական աստիճանի համար հավելավճարների փոխանցումը իրականացնելու նպատակով:

9. Կազմակերպությունների կողմից սույն կարգով սահմանված ժամկետներից ուշ հայտերի կամ այլ պահանջվող տեղեկատվության ներկայացման դեպքում այդ տվյալների հիման վրա գիտական աստիճանի համար հավելավճարների տրամադրումը դադարեցվում է, և վերսկսվում դրանք ներկայացնելու ամսվա հաջորդ ամսվանից:

ՀԱՅՏ

ՀՀ պետական բյուջեից _____ -ում

(կազմակերպության անվանումը)

իրականացվող գիտական և գիտատեխնիկական գործունեության ծրագրերում _____ թվականի _____ ամսվա*
 դրությամբ ընդգրկված գիտական աստիճան ունեցող գիտաշխատողների հավելվածարների տրամադրման

Գիտության դոկտորների ընդհանուր թվաքանակը՝ _____

Գիտության թեկնածուների ընդհանուր թվաքանակը՝ _____

Հ/Հ	Ծրագրի կամ թեմայի ծածկագիր	Ազգանուն	Անուն	Հայրանուն	Գիտական աստիճան*	Վկայագրի սերիա	Վկայագրի համար	Վկայագրի շնորհման տարեթիվ	Անձնագրի սերիա	Անձնագրի/նույնականացման քարտի համար	Ծննդյան տարեթիվ	Աշխատավարձ	Կատարված փոփոխություն և ամիս, ամսաթիվ***
	1	2	3	4	5	6	7	8	9	10	11	12	13
1													
2													

* Բյուջետային տարվա սկզբին ներկայացվող հայտում նշվում է հունվար, իսկ եռամսյակային հայտում տվյալ եռամսյակի առաջին ամիսը

** Կրճատ նշվում է գիտական աստիճանը, օրինակ՝ տնտգո, տնտգթ, բժշգո, բժշգթ, ֆմգո, ֆմգթ և այլն:

*** Լրացվում է եռամսյակային հայտերով ճշգրտված ցուցակների ներկայացման դեպքում:

ՀԱՆՁՆԱՐԱՐՈՒԹՅԱՆ ՊԱՅՄԱՆԱԳԻՐ N _____

**ԳԻՏԱՇԽԱՏՈՂՆԵՐԻՆ ԳԻՏԱԿԱՆ ԱՍՏԻՃԱՆԻ ՀԱՄԱՐ ՏՐՎՈՂ ՀԱՎԵԼԱՎՃԱՐՆԵՐԻ
ՏՐԱՄԱԴՐՄԱՆ**

ք. Երևան « ____ » _____ 20 ____ թ.

Հայաստանի Հանրապետության կրթության և գիտության նախարարության գիտության պետական կոմիտեն (այսուհետ՝ Կոմիտե), ի դեմս աշխատակազմի ղեկավար Լ. Մարդոյանի (այսուհետ՝ Հանձնարարող), որը գործում է Կոմիտեի կանոնադրության հիման վրա, մի կողմից, և _____ -ը,

(կազմակերպության անվանումը)

(այսուհետ՝ Կազմակերպություն), ի դեմս տնօրեն/ռեկտոր _____ -ի (այսուհետ՝ Հանձնակատար), որը գործում է Կազմակերպության կանոնադրության հիման վրա, մյուս կողմից, ղեկավարվելով «Հայաստանի Հանրապետության _____ թվականի պետական բյուջեի մասին» ՀՀ օրենքով, ՀՀ կառավարության 2008թ. հունվարի 10-ի թիվ 2-Ն որոշմամբ, ինչպես նաև հիմք ընդունելով ՀՀ ԿԳՆ գիտության պետական կոմիտեի նախագահի 2015 թվականի հունվարի 19-ի N 01-Ա/Ք հրամանով հաստատված ՀՀ պետական բյուջեի հաշվին իրականացվող գիտական և գիտատեխնիկական գործունեության ծրագրերում ընդգրկված գիտական աստիճան ունեցող գիտաշխատողներին վճարվող հավելավճարները կազմակերպություններին տրամադրելու կարգի 3-րդ կետը՝ կնքեցին սույն պայմանագիրը հետևյալի մասին:

1. ՊԱՅՄԱՆԱԳՐԻ ԱՌԱՐԿԱՆ

1.1. Սույն պայմանագրով Հանձնարարողը Հանձնակատարի կողմից ներկայացվող հայտերի հիման վրա նրան է տրամադրում ՀՀ պետական բյուջեի հաշվին իրականացվող գիտական և գիտատեխնիկական գործունեության հիմնարար և կարևորագույն նշանակություն ունեցող կիրառական հետազոտությունների իրականացման, ենթակառուցվածքի պահպանման ու

զարգացման, ազգային արժեք ներկայացնող գիտական օբյեկտների պահպանման, նպատակային-ծրագրային ծրագրերում և պայմանագրային (թեմատիկ) թեմաներում ընդգրկված գիտաշխատողների գիտական աստիճանի համար տրվող հավելավճարները՝ հավելավճար ստացող գիտաշխատողներին վճարելու նպատակով:

2. ՊԱՅՄԱՆԱԳՐԻ ԳԻՆԸ

2.1 Սույն պայմանագրի գինն է (տրամադրվող դրամական միջոցների չափը)՝

_____ (_____)
(թվերով) (բառերով)

ՀՀ դրամ, թվով _____ գիտության թեկնածուների ու _____ գիտության դոկտորներին հավելավճար վճարելու նպատակով:

3. ՊԱՅՄԱՆԱԳՐԻ ԿԱՏԱՐՄԱՆ ԺԱՄԿԵՏՆԵՐԸ

3.1. Հանձնարարողը սույն պայմանագրի 2.1 ենթակետում նշված ֆինանսական միջոցները Հանձնակատարին է տրամադրում ամսական կտրվածքով, ՀՀ օրենսդրության սահմանված կարգով:

4. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

4.1. Կողմերը ունեն ՀՀ պետական բյուջեի հաշվին իրականացվող գիտական և գիտատեխնիկական գործունեության ծրագրերում ընդգրկված գիտական աստիճան ունեցող գիտաշխատողներին վճարվող հավելավճարները կազմակերպություններին տրամադրելու կարգով նախատեսված իրավունքներ և պարտականություններ:

4.2. Հանձնարարողն իրավունք ունի.

4.2.1. ցանկացած ժամանակ ստուգել Հանձնակատարի կողմից սույն պայմանագրով ստանձնած պարտականությունների իրականացման ընթացքը:

4.3. Հանձնարարողը պարտավոր է.

4.3.1. Սույն պայմանագրի 3.1 ենթակետով սահմանված ժամկետներում Հանձնակատարին տրամադրել նախատեսված ֆինանսական միջոցները:

4.5. Հանձնակատարը պարտավոր է.

4.5.1. սույն պայմանագրով ստանձնած պարտականությունները կատարել անձամբ և սահմանված ժամկետներում,

4.5.2 Հանձնարարողի պահանջով նրան տրամադրել սույն պայմանագրի կատարման ընթացքի վերաբերյալ անհրաժեշտ տեղեկատվություն:

5. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)

Սույն պայմանագրով նախատեսված պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Եթե անհաղթահարելի ուժի ազդեցությունը շարունակվում է 3 (երեք) ամսից ավելի, ապա Կողմերից յուրաքանչյուրն իրավունք ունի լուծելու պայմանագիրը՝ այդ մասին նախապես տեղյակ պահելով մյուս Կողմին:

6. ԵԶՐԱՓՈՒԿ ԴՐՈՒՅԹՆԵՐ

6.1. Սույն պայմանագիրը կնքվում է երկու օրինակից, որոնք ունեն հավասարազոր իրավաբանական ուժ: Յուրաքանչյուր Կողմին տրվում է պայմանագրի մեկ օրինակ:

6.2. Սույն պայմանագրում կատարվող փոփոխությունները կամ լրացումները իրավաբանական ուժ ունեն, եթե կազմված են գրավոր և ստորագրված են Կողմերի կողմից:

ՀԱՆՁՆԱՐԱՐՈՂ

ՀՀ ԿԳՆ գիտության պետական կոմիտե

ք. Երևան, փ. Օրբելի 22

1 ՏԳԲ 900011033017

Կոմիտեի աշխատակազմի

ղեկավար՝ Լ. Մարդոյան

ՀԱՆՁՆԱԿԱՏԱՐ

ՀԱՄԱՁԱՅՆԱԳԻՐ N _____

ք. Երևան « ____ » _____ 20____ թ.

Հայաստանի Հանրապետության ԿԳՆ գիտության պետական կոմիտեն, այսուհետ՝
Հանձնարարող, ի դեմս ՀՀ ԿԳՆ գիտության պետական կոմիտեի աշխատակազմի ղեկավար Լ.
Մարդոյանի, որը գործում է կոմիտեի կանոնադրության հիման վրա, մի կողմից, և

(կազմակերպության անվանում)

այսուհետ՝ Հանձնակատար, ի դեմս _____,

(պաշտոն, անուն, ազգանուն)

որը գործում է կազմակերպության կանոնադրության հիման վրա, մյուս կողմից, այսուհետ՝
Կողմեր, հիմք ընդունելով 20____ թվականի _____ -ին կնքված
պայմանագրի 6-րդ կետի 6.2 ենթակետը՝ կնքեցին սույն համաձայնագիրը հետևյալի մասին.

1. ՀԱՄԱՁԱՅՆԱԳՐԻ ԱՌԱՐԿԱՆ

1.1 Կողմերի համաձայնությամբ նրանց միջև 20____ թվականի _____-ին կնքված
թիվ _____ պայմանագրի _____ կետում կատարել փոփոխություն՝ որպես պայմանագրի
գին նշելով _____ (_____) ՀՀ դրամ:
(թվերով) (տառերով)

2. ԱՅԼ ՊԱՅՄԱՆՆԵՐ

- 2.1. Սույն համաձայնագիրն ուժի մեջ է Կողմերի ստորագրման պահից և հանդիսանում է
պայմանագրի անբաժանելի մասը:
- 2.2 Սույն համաձայնագրի կապակցությամբ ծագած վեճերը լուծվում են բանակցությունների
միջոցով: Համաձայնություն ձեռք չբերելու դեպքում վեճերը լուծվում են դատական կարգով:
- 2.3. Սույն համաձայնագրում Կողմերի չնշված պարտավորությունները թողնվում են
անփոփոխ:
- 2.4. Սույն համաձայնագիրը կազմված է մեկ էջից, կնքված է երկու օրինակից, որոնք ունեն
հավասարազոր իրավաբանական ուժ: Յուրաքանչյուր կողմին տրվում է մեկական օրինակ:

**3. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ
ՍՏՈՐԱԳՐՈՒԹՅՈՒՆՆԵՐԸ**

ՀԱՆՁՆԱՐԱՐՈՂ

ՀԱՆՁՆԱԿԱՏԱՐ

ՀՀ ԿԳՆ գիտության պետական կոմիտե
ք. Երևան, փ. Օրբելի 22
1 ՏԳԲ 900011033017
Կոմիտեի աշխատակազմի
ղեկավար՝ Լ. Մարդոյան

